




TRIANGLE MONONA BAY

QHOV KEV NPAJ TSIM KHO HAUV LUB ZEJ ZOG

Tau hloov raws li Qhov Kev Npaj Kho Lub Nroog Madison los ntawm Tsoomfwv Lub Nroog Madison rau thaum lub Rau Hli 11, 2019 Txoj Cai Nab Npawb RES-X, Cov Ntaub Ntawv Cai ID 55528



COV NTSIAB LUS TSEEM CEEB

Twb pib ua los tau ib lub xyoos rau hauv Lub Zej Zos Triangle Monona Bay – Lub Nroog Madison Feem Ua Qhov Kev Npaj twb pib ua haujlwm nrog cov neeg hauv lub zos thiab lwm cov neeg muaj feem xyuam seb lawv muaj tswv yim tsim kho li cas kom lub zej zos zoo dua qub. Lub Rooj Sib Tham Ntawm Pawg Kws Thawj Coj ntawm Triangle thiab Monona Bay Qhov Kev Npaj Tsim Kho Lub Zej Zog tau los sib ntsiab thiab tsim qhov kev npaj tsim kho hauv lub zos 16 zaus rau hauv lub sijhawm 15 lub hlis dhau los. Lub Nroog Madison Feem Npaj Tsim Kho tau muab kev pab thiab suav sau cov lus xam pom los ntawm cov neeg nyob hauv lub zos, thiab Feem Tsim Kho Lub Zos tau muab nyiaj txiag pab txhawb rau thaum ua qhov kev npaj.

Nws muaj ntau feem zoo rau ntawm Triangle Monona Bay cov zej zog, thiab yuav raug tsim kho kom zoo dua qub. Thaum lub sijhawm ua qhov kev npaj, yuav hais kom cov neeg nyob hauv lub zos muab lawv cov lus xam pom txog kev tsim kho qhia. Cov lus xam pom no raug siv npaj rau kev siv cov av, vaj tse, thiab khiav dhia kev mus los, kev qhib cov chaw ua si thiab cov chaw rau sawd daws tau mua ncig ua si thiab muab kev saib xyuas ub no rau hauv lub zos.

Bayview Foundation, Inc. thiab Community Development Authority (CDA), cov tswv vaj tse nyob rau ntawm Triangle, yuav ua haujlwm nrog cov kws tawm qauv tsev sab hauv thiab sab nrauv rau kev tsim ua lawv cov tsev. Cov tswv tsev yuav tau npaj cov kev npaj tsim ua tsev tshiab los sis kho cov tsev ua ntej ntau lub hlis thiab ntau lub xyoo ua ntej yuav los tsim kho cov vaj tse. Cov ntaub ntawv ntsiab lus hauv qab no yog cov haujlwm tsim kho tseem ceeb los ntawm tsoomfww.

Kev sib txuas cov zej zog nyob sib ze hauv lub zej zos thiab mus rau thaj chaw nyob sib ze.

- Ib txoj kev taug nyob hauv Triangle yuav ua rau cov neeg nyob hauv lub zos mus los yooj yim rau hauv lub zos, cov tsev nyob, thiab cov kev thiab cov chaw nres tsheb npav.
- Tsim ua kom East Campus Mall dav ntxiv kom nyias muaj nyiaj cov kab kev rau cov neeg taug kev thiab cov tsheb kauj vab, thiab muaj cov rooj zaum raws li cov kev sab hauv.
- Txoj kev khiav tsheb tshiab uas tsis muaj tsheb ntau thiab muaj cov kev taug los ntawm Regent Street mus rau West Washington Avenue.
- Tsim kho txoj kev hla rau ntawm txoj kev Regent, West Washington, thiab Park Street kom hla mus los nyab xeeb dua qub.
- Cov kev nkag mus los hauv lub zos kom sib txuas tau zoo hauv lub zos thiab mus rau lwm lub zos tau.

Hnub Nyooj - Kev Tawm Qauv Zoo Txuas Nyiam thiab Tshwj Xeeb

- Kho cov kev taug kom dav txaus rau cov neeg taug kev thiab cov neeg caij rooj zaum muaj log.
- Luam cov paib qhia kev, cov nab npawb, thiab cov cim kom loj thiab kav ntev thiab zoo rau hauv lub zej zog.
- Muaj ntau cov paib sau ua ntau hom lus rau cov neeg uas hais ntau hom lus sib txawv nyob rau ntawm Triangle.

Lub Chaw Hauv Lub Zos thiab Cov Chaw Ua Ub No

- Nrhiav ib Lub Chaw Hauv Lub Zos ntawm Bayview uas nyob raws txoj kev kom cov neeg nyob hauv lub zos nkag mus los rau ntawm CDA thiab cov zos nyob sib ze tau yooj yim.


- Ua kom muaj ntau cov chaw muaj nyom ntsuab nyob rau hauv cov chaw nyob xws li cov kev taug, cov vaj, cov chaw ua ev xaws xais sab nrauv rau cov neeg laus, cov tsus tsev thiab cov tiaj nyog, thiab tej chaw muaj duab ntxoov ntxoo.
- Tsim Ua Tiav East Campus Mall uas los ntawm txoj kev Regent Street mus rau Brittingham Park nrog rau nyias muaj nyias cov kab kev tsheb kauj vab thiab neeg taug kev. Tsim ua kom muaj cov rooj zaum ntau ntxiv thiab muaj ntau ua duab ntxoov ntxoo.

Muaj Ntau Hom Vaj Tse Sib Txawv

- Thaum hais txog kev tsim kho tshiab, muaj ntau hom vaj tse rau xaiv raws li qhov muaj nyiaj them taus, tshwj xeeb mas cov nyob raws txoj kev South Park Street. Lub hom phiaj yog ua kom muaj ntau hom tsev uas sawd daws them taus thiab muaj tsev ntau zuj zus ntxiv, tab sis tsim kom muaj hom tshiab, cov tsev rau ntau yim neeg nyob tau ua ke.

Kev Tsim Kho thiab Tsim Cov Tsev Kom Them Taus

- Pab txhawb nyiaj tsim kho cov tsev qub thiab/los sis ua cov tsev tshiab hloov rau cov qub kom them taus, kom cov vaj tsev zoo rau cov neeg nyob hauv lub zos. Ua kom sawd daws them taus cov nqi vaj tse tam sim no los sis ua cov tse tshiab ntau ntxiv uas sawd daws them taus.
- Cia cov neeg nyob hauv lub zos koom ua qhov kev npaj tsim kho los sis tsim cov vaj tse. Kev kho cov cua txias, thiab hauv chav nyob chav pw, ua kom muaj chaw nres tsheb rau cov neeg qhua ntau ntxiv, thiab muaj kev kawm ntawv ntxiv, kawm txog khoom noj zoo, thiab kev lom zem ub no.
- Pab txhawb rau cov tsev siab nyob ntawm Bayview (2 txog 5-tshooj) thiab ntawm Gay Braxton (3 txog 5-tshooj) kom muaj cov chav tsev them taus.



Hom Tsev Tshiab thiab Chaw Muag Khoom nyob ntawm txoj kev Part Street

- Tsim ib lub tsev uas muaj 8-tshooj rau ntawm lub khw Asian Midway Foods tam sim no. Theem thib ib yog muaj tej khoom qhuav ub no, thiab lwm tshooj tsev ces muaj khoom lag luam los sis muag khoom ris tsho ub no.
- Hom vaj tse thiab uas them taus thiab/los sis cov tshooj tsev siab zog ntawm ib lub tsev loj.
- Tuav tswj thiab pab txhawb kom muaj cov lag luam thiab kev saib xyuas rau cov neeg nyob hauv zos kom muaj cov khoom noj zoo, yuav cov khoom noj zoo thiab npaj cov khoom noj, thiab tau txais cov ntaub ntawv hais txog kev pab txhawb kom noj qab haus huv.

Tshwj Tseg Hom Tsev Rau Ib Tsev Neeg

- Tshwj tseg qhov dav, qhov loj thiab hom yeeb yam tsev qub hauv ib cheeb tsam zos hauv Monona Bay.

Hais kom kho dua tshiab cov qub tsev rau ib tsev neeg nyob thiab cov tsev rau cov yim neeg tsawg nyob ua ke. Pab txhawb rau kev yuav vaj tse thiab cov kev qiv txais nyiaj kho vaj tse.

Kev Tsim Kho Brittingham Park

- Kev Tsim Kho lub tsev ntawm Brittingham Park Beach kom muaj tsev tshiab, kho cov me nyuam tsev ntawm Brittingham uas cia rau siv, tsim ua cov ntug tshiab thaiv rau nug ntses, ua kom cov nyom hauv lub zos muaj ntau ntxiv, thiab teeb cov rooj zaum kom muaj ntau ntxiv, cov rooj noj mov raws tshav puam, thiab cog cov ntoo raws txoj kev tsheb kauj vab.
- Tsim kho lub pas dej kom huv, tswj xyuas cov dej nag, thiab ntawm tej ntug.

